

PRAVILA NAGRADNE IGRE SMOKI VAS NAGRAĐUJE!

Broj: 353-5/2024
Dana, 26.3.2024.

ORGANIZATOR

Član 1.

Nagradnu igru, na temelju člana 96. Zakona o igrama na sreću Republike Srpske (Službeni glasnik br.: 22/19, 131/20), organizira ATACO - TRGOVINA I ZASTUPANJA d.o.o. Mostar, Podružnica Banja Luka, Ramići b.b., 78 000 Banja Luka. Identifikacioni broj: 4227039510064, PDV broj: 227039510005.

SVRHA, TRAJANJE I MJESTO PROMOCIJE

Član 2.

Nagradna igra provodi se u svrhu dodatne promocije kupovine proizvoda SMOKI u svim maloprodajnim objektima Bingo na teritoriju Republike Srpske. Nagradna igra počinje 14.6.2024. godine (od 00:00 sati) i traje do 14.7.2024. godine (do 23:59 sati). Mjesto promocije su svi maloprodajni objekti Bingo na području Republike Srpske, u kojima će se za vrijeme trajanja nagradne igre nalaziti promotivni materijali s informacijama o načinu učešća u nagradnoj igri.

NAZIV NAGRADNE IGRE

Član 3.

Nagradna igra organizira se pod nazivom: „**SMOKI VAS NAGRAĐUJE!**”.

FOND NAGRADA

Član 4.

Fond nagrada sastoji se od:

NAGRADA		JED. VRIJEDNOST U KM	UKUPNA VRIJEDNOST U KM
Mobitel Samsung Galaxy S24 Ultra	1	2.781,32	2.781,32
Sony PlayStation 5 Slim D chassis + EA Sports FC 24	1	1.066,28	1.066,28
Sat Samsung Galaxy Watch6 Classic 43mm	3	649,88	1.949,64
Sony PlayStation 5 igrice - EA SPORTS FC 24	5	41,65	208,25
Adidas lopta – EURO 2024	30	63,20	1.896,00
TOTAL	40		7.901,49

Vrijednost nagradnog fonda: 7.901,49 KM.

PRAVO UČESTVOVANJA

Član 5.

Pravo učestvovanja u nagradnoj igri i izvlačenju imaju sve fizičke osobe s prebivalištem/boravištem u Republici Srpskoj, koje obave kupovinu u bilo kojem maloprodajnom objektu Bingo na području Republike Srpske, osim zaposlenika Organizatora, zaposlenika svih kompanija koje posluju unutar ATLANTIC GRUPA, kompanija angažiranih u ovoj nagradnoj igri (SMS Vision) i zaposlenika u kompaniji Bingo, u kojoj se provodi nagradna igra, te članova njihovih užih obitelji koji sa njima žive u

zajedničkom domaćinstvu (roditelji, supružnik, vanbračni drug, djeca). Pravo sudjelovanja imaju sve fizičke osobe. Maloljetne osobe imaju pravo sudjelovati u skladu sa zakonom. Ako je dobitnik nagrade maloljetna osoba, organizator, odnosno za to ovlaštena osoba, uručuje nagradu osobi koja je po zakonu ili odluci državnog organa određena da se stara o njoj.

KAKO UČESTVOVATI U NAGRADNOJ IGRI

Član 6.

Kupovinom u maloprodajnim objektima Bingo na teritoriju Republike Srpske, u periodu od 14.6.2024. godine (od 00:00 sati) do 14.7.2024. godine (do 23:59 sati) osobe iz člana 5. stječu pravo učešća u nagradnoj igri. Kupovinom Smokia proizvoda (classic, choco, tortilla, mix) u minimalno ukupnoj vrijednosti 3,00 KM, na jednom računu, u svim maloprodajnim objektima Bingo na teritoriji Republike Srpske sudionik stječe pravo učestvovanja u nagradnoj igri. Na broj 091 112 403 potrebno je poslati SMS sa brojem računa i osobnim podacima:

ime i prezime, grad. (Primjer: brojračuna(razmak)ime(razmak)prezime(razmak)grad) ili popuniti tražene podatke putem platforme www.gricnismoki.ba

Račun je potrebno sačuvati jer će se nagrade moći preuzimati samo uz predočavanje dobitnog računa. SMS poruke se šalju od 14.6.2024. godine (od 00:00 sati) do 14.7.2024. godine (do 23:59 sati). Neće se uzeti u obzir vrijeme kad je poruka poslana, već vrijeme kada je primljena. U nagradnoj igri ulaze samo računi kupljeni u razdoblju vremena trajanja nagradne igre.

Član 7.

Broj je isti za sve mobilne mreže, a tarifna kategorija iznosi 0,10 KM + PDV po poruci. Cijene SMS poruka neće se mijenjati u toku nagradne igre. Svi učesnici će dobiti povratnu poruku da je njihova poruka primljena i potvrdu da učestvuju u nagradnoj igri ili ako šalju pogrešnu poruku, dobiti će poruku da je njihova poruka nevažeća i tražiti će se da je pošalju ponovo. Ne postoje ograničenja za učestvovanje u nagradnoj igri. Jedan učesnik može poslati neograničen broj poruka za neograničen broj kupovina po principu jedna kupovina, odnosno jedan račun = jedna poruka. Jedan učesnik može osvojiti više nagrada.

INFORMACIJE

Član 8.

Sve dodatne informacije učesnici mogu potražiti putem korisničke podrške na broj 066 020 020 (Viber), a koja podrška funkcioniра kao pisana komunikacija.

IZVLAČENJE DOBITNIKA NAGRADA

Član 9.

Nagradne će se izvući 15.7.2024. godine u 10:00 sati i to u prostorijama provajdera SMS Vision d.o.o. koji obavlja tehničku podršku. Objava svih dobitnika bit će u roku od 8 dana od dana izvlačenja, na web sajtu www.gricnismoki.ba i to nakon što Organizator napravi verifikaciju i finalne spiskove.

Izvlačenje se vršiti uz pomoć kompjuterskog softvera koji prikuplja informacije koje se šalju putem SMS poruke i nasumično odrediti svakog pobjednika. Računar će izvući 2 rezervna dobitnika za svaku kategoriju i u slučaju da pobjednik ne ispunjava kriterije da preuzme nagradu, Organizator će se obratiti rezervnim dobitnicima, po redosljedu kako su izvučeni.

Član 10.

Organizator će obrazovati tročlanu komisiju koja će voditi zapisnik o toku nagradne igre i o izvlačenju dobitnika, a koji zapisnik će uz svaki dobitak (nagradu) imati sljedeće podatke, ime, prezime i grad.

Član 11.

Organizator će obavijestiti sve dobitnike o osvojenoj nagradi u roku od 8 dana od dana izvlačenja. Nakon zaprimljenog SMS-a, Viber poruke ili telefonskog poziva, od potencijalnog dobitnika nagrade će se tražiti da predoči Organizatoru ili ovlaštenoj osobi organizatora, potvrdu o kupovini na uvid da bi se potvrdilo da je kupovina obavljena u maloprodajnim objektima Bingo, da su ispunjeni uslovi za učestvovanje u ovoj nagradnoj igri i da je kupovina obavljena tokom trajanja nagradne igre. Potencijalni dobitnici su dužni dostaviti sve tražene podatke u roku od 3 dana od momenta dobivanja obavijesti o potencijalnom dobitku. Nakon potvrde ispravnosti svih podataka, Organizator ili ovlaštena osoba organizatora obavještava da su dobitnici nagrada. Računi i podatci će se na zahtjev Organizatora ili ovlaštene osobe organizatora dostaviti Viberom na broj 066 020 020 ili na e-mail korisnicka.podrska@smsvision.ba. Ako su potencijalni dobitnici nagrade naveli nepotpune ili netočne podatke ili/i ne može ih se obavijestiti, i/ili ne dostave podatke u roku i/ili se utvrdi da nisu ispunili sve uvjete za sudjelovanje u nagradnoj igri organizator zadržava pravo ne dodijeliti nagradu istima. U slučaju neispunjavanja uvjeta postupa se po pravilima vezanim za rezervne dobitnike.

Dobitnici će biti obaviješteni putem poruke, mail-a ili web sajta: www.gricnismoki.ba i www.ataco-bih.com, a moguće je da se isti dobitnici objave i na društvenim mrežama koje vodi Organizator, i to nakon što Organizator napravi verifikaciju i finalne spiskove. Dobitnici će biti kontaktirani i na broj telefona sa kojeg je poruka poslata. Korisnik broja ne mora biti i vlasnik telefona.

Organizator ne snosi odgovornost za bilo kakve probleme nastale tokom promotivnog perioda, a koji se odnose na tekstualne poruke i mobilne mreže sa kojih se poruke šalju te probleme koji su tako nastali, a nemaju veze sa voljom Organizatora.

Član 12.

Sve nagrade se preuzimaju na način da za preuzimanje navedenih nagrada potrebno je dostaviti osobne podatke (ime i prezime, adresa, grad i jedinstveni matični broj (ako je taj podatak potreban zbog plaćanja poreza na dohodak)) putem e-mail adrese korisnicka.podrska@smsvision.ba ili drugog kontakta, ali u prethodnom dogovoru sa Organizatorom. Navedeni podaci su organizatoru potrebni radi identificiranja dobitnika, objave dobitnika i reguliranja poreznih obveza kod nadležnih organa (jedinstveni matični broj). Dobitnici će preuzeti nagrade osvojene u nagradnoj igri najkasnije u roku od 30 dana od dana prijema obavijesti o osvojenoj nagradi i to ako dostavi sve potrebne podatke koje traži organizator. Prilikom preuzimanja nagrade, dobitnik je dužan kuriru brze pošte dokazati svoj identitet te potpisati dokument o preuzimanju nagrade. Ukoliko je dobitnik maloljetnik nagrada će biti uručena roditelju/staratelju s kojim maloljetnik živi pri čemu je roditelj/staratelj dužan priložiti validnu dokumentaciju odnosno dokument kojim dokazuje status roditelja/staratelja. Ako se nagrada ne može isporučiti dobitniku, Organizator je dužan postupiti po Zakonu.

POVJERLJIVOST

Član 13.

Organizator će preduzeti sve potrebne mjere predostrožnosti da osigura zaštitu osobnih podataka, zaštitu od gubitka, zloupotrebe, neovlaštenog razotkrivanja, izmjene i/ili distribucije u skladu sa Zakonom. Organizator preuzima odgovornost o zaštiti povjerljivosti osobnij podataka učesnika i dobitnika za vrijeme trajanja ove nagradne igre u skladu sa Zakonom o zaštiti osobnih podataka.

Radnjom sudjelovanja u ovoj nagradnoj igri, učesnici i dobitnici se izričito i jasno slažu da njihovi osobni podaci dostavljeni Organizatoru budu uneseni u Organizatorovu bazu podataka, u svrhu učestvovanja u ovoj nagradnoj igri i procesu izvlačenja dobitnika. Organizator može osobne podatke dobitnika (ime, prezime i grad) dostaviti Bingo d.o.o. Tuzla radi objave dobitnika.

Član 14.

Sudjelovanjem u ovoj nagradnoj igri, Učesnici daju saglasnost Organizatoru da broj telefona sa kojeg je poslana SMS poruka ostane spašen u bazi podataka Organizatora koji će se koristiti isključivo i samo u svrhu nagradne igre i svrhu besplatnog slanja promotivnog materijala. Organizator je dužan da na zahtjev korisnika izbriše broj iz baze bez dodatnih troškova.

UČESNICI U NAGRADNOJ IGRI

Član 15.

Učesnici u ovoj nagradnoj igri ne mogu zahtijevati nagrade u većim količinama ili drugačije nagrade od onih koje su navedene u ovim Pravilima od strane Organizatora. Nagrade se ne mogu zamijeniti za gotovinu. Učestvovanjem u ovoj nagradnoj igri učesnici prihvataju ova Pravila.

PUBLICITET

Član 16.

Učestvovanjem u ovoj nagradnoj igri učesnici su saglasni da se, ako postanu dobitnici neke od nagrada, njihovo ime, prezime i grad mogu od strane Organizatora objaviti i koristiti bez naknade u printanom, slikovnom, audio i video materijalu samo u svrhu nagradne igre.

ODGOVORNOST

Član 17.

Sljedeća izuzeća i ograničenja odgovornosti primjenjuju se na odgovornost organizatora. Iste ne utječu na ostale zakonske odredbe. Odgovornost postoji samo za izravnu štetu izazvanu namjerno ili nepažnjom. Svaka odgovornost koja nadilazi naprijed navedeno isključena je. Odgovornost prema propisima o odgovornosti za proizvod ostaje nepromijenjena. U mjeri u kojoj je odgovornost organizatora isključena ili ograničena, isto će se primjenjivati i na osobnu odgovornost zaposlenika, predstavnika i zamjenika zastupnika organizatora. Organizator nije odgovoran za ispravnost svih podataka, posebno ako su promijenjeni ili krivotvoreni tehničkim pogreškama, pogreškama u pisanju ili programu, gubicima u prijenosu, intervencijama trećih strana ili višom silom.

Organizator ne snosi odgovornost za bilo kakve probleme nastale tokom promotivnog perioda, a koji se odnose na mobilne mreže i korištenje web domene sa kojih se šalju podatci za nagradnu igru te probleme koji su tako nastali, a nemaju veze sa voljom Organizatora

OBJAVA PRAVILA NAGRADNE IGRE

Član 18.

Pravila nagradne igre bit će objavljena minimalno sedam dana prije održavanja nagradne igre u jednim dnevnim novinama dostupnim na teritoriju Republike Srpske, po dobivanju suglasnosti od strane Republičke uprave za igre na sreću, te na web stranici www.gricnismoki.ba , www.ataco-bih.com i www.bingotuzla.ba .

POREZI

Član 19.

Sve porezne obveze plaća Organizator nagradne igre, a u skladu sa Zakonom o igrama na sreću Republike Srpske i u skladu s poglavljem XII Zakona o igrama na sreću.

U SLUČAJU SPORA

Član 20.

Svi eventualni sporovi između Organizatora i učesnika u nagradnoj igri će se rješavati sporazumno, a u slučaju da se nastali spor ne može riješiti na ovaj način biti će nadležan je Osnovni sud u Banja Luci.

MOGUĆNOST PREKIDA NAGRADNE IGRE

Član 21.

Nagradna igra se može prekinuti jedino u slučaju više sile ili u slučaju koji ne zavisi od volje Organizatora, a opoziv nagradne igre se objavljuje u istim dnevnim novinama u kojima je nagradna igra objavljena, a o čemu će prethodno biti obaviješten nadležni organ.

Broj rješenja: 06/4-463-1412-1/24 od 20.5.2024.

**Za ATACO d.o.o. Mostar
Podružnica Banja Luka**

Mirko Opačak
Direktor Podružnice
